

## Уэльсда масжид ва Ислом маркази очилди



11:20 / 14.12.2021 1023

Уэльснинг Абергавенни шаҳрида масжид ва Ислом маркази очилди. Абергавенни мери Тюдор Томас масжид ва марказнинг очилишини илиқ кутиб олди ва уэльсликларнинг барча дин ва миллатларга нисбатан бағрикенглигини таъкидлади. «Бу шаҳарда ушбу марказнинг мавжудлиги баҳтиёриликдир. Мусулмон жамоаларининг ижтимоий ва маданий фаолиятига хизмат қиласиган марказдир», дейди Тюдор Томас.

Маросимда шаҳар мусулмонлари афғон қочқинларини қабул қилишга тайёр эканликларини маълум қилди.

Аввалроқ Абергавенни мусулмон жамоасига шаҳарда жума намозини ўқишига рухсат берилган эди.

Абергавенни Уэльс ва Англия чегарасида жойлашган Монмутширнинг тарихий ва замонавий округидаги шаҳар ҳисобланади. Бу ерда 12 000 га яқин аҳоли истиқомат қиласиди. Баъзан ушбу шаҳарни «Уэлсъга кириш эшиги» деб ҳам аташади. Ҳозирда Уэльсда таҳминан 40 га яқин масжидлар мавжуд бўлиб, уларнинг аксарияти Кардифф, Нюпорт ва Суонси каби мусулмон аҳолиси кўп бўлган шаҳарларда қурилган. Уэльсда 50 мингга яқин мусулмонлар истиқомат қиласиди.

**Хуршид Маъруф тайёrlади**